

Kobaegi (Koai)



Aiestaran Erreka auzoa

ARRUABARRENA UBEGUN familia

KOAI Aiestaran Erreka auzoko baserria da. Arkakako bidearen gain aldean ikusten dena, Errekarte parajea. Bertakoek diotenagatik, Kobaegi izena, bertan diren kobengatik omen dator, eta hain zuzen ere, behean kobazuloa dagoelako.

Bere inguruko soro, zelai eta basoen izenean artean daude: *Sorogune, Atai soro, Etxe azpi, Aitzalde, Erleta azpi, Mutotxulo, Gaztinatxo, Beko soro, Koba azpi, Ertxiri, Elureta, Koango zelai...*

Herritik urrunen dagoen baserrietakoa izango da. Elizara ordubeteko bidea bada. Eta bertarainoko bidea ez zuten 1985era bitarte eraiki.

Etxejabe izan dira beti. Dirudienez, etxea egiteko materiala Ataundik ekarri zuten, zaldiz, hiru zaldi bata besteari lotuta. 1943an egin zituzten ganadu askak eta etxea zarpeatzea, eta 1965ean berriz, sukaldea eta bainugela.

1927an ezkondu ziren Zaldibin Juan Bautista Arruabarrena eta Joakina Etxabe. Joakina *Konporta* baserrikoa zen.

1963an Martin Arruabarrena eta Joakina Ubegun Oiarzungoa ezkondu ziren. Guadalupen ezkondu, Irunen bazkaria egin eta bidaia Burgosera egin zuten. Etxera ezkondu zirenean, artean, aita-amak eta bi anaia-arreba ziren bertan.

Baserriko bizimoduan ganadua garrantzizkoa zen. Ardi, behi eta idiak izan zituzten. Ardiak ehun eta hirurogeiren bat buru, behiak sei eta idi parek. Gainera, artoa, garia, babarruna eta patata ere egiten

zuten. Ordiziako ferian saltzen zuten jeneroa. Bi orduko bidea zegoen *Koaitik* Ordiziara, eta mandoan gauzak hartuta joaten ziren.

Zaldibin eta Ordizian saltzen zuten artoa eta garia, baita txerriak, sagarra, gazta, gaztainak eta arrautzak ere. Sagar asko zuten eta sagardoa ere egiten zuten.

1944an, Aralarko *Paben* zuten txabola eta bertan pasatzen zuten uda. Asteazkenetan, ardiak jetzi, mandoak kargatu gaztarekin eta feriara joaten ziren. Han saltzen ez ziren gaztak, baserrian utzi eta handik berriz, *Pabera* egiten zuten bidea, Aralarra.

Martinek Fabrikan lan egin zuen 1971tik aurrera. Eta etxeko guztiek ere kanpoan lan egin izan dute.

Baserriaren arrastoa idatzietan

Koai Cobaegui izenez agertzen da 1783ko abenduaren 17an, Aralar eta Enerioko basoen ustiaketaz aritzeko ahalagiria sinatu zuten baserrien artean. Bi ordezkariarekin agertzen da, agian, bi etxebizitza ziren garai hartan.

Pasadizoak

Ibiltari nekagaitzak

Ibiltari nekagaitzak ziren eta, 1948an, Martinek **Koaitik** behorra hartu eta gelditu gabe egin omen zuen Oiartzunerainoko bidea. Beste urte batean, sei artzain elkaturik, Oiartzunetik Irunera eraman zituzten ardiak eta kaballeriak eta handik, trenean, Ordiziara.



ARRUABARRENA ETXABE familia

Ezkerretik eskubira eta goitik behera:
Karmen (amona), Joan Bautista (aita),
Martin, Joxe, Antonio / Prontxio, Joakina (ama),
Miren, Mikel / Joxe Migel, Joan Martin (aitona).

Informazio emailea: Martin Arruabarrena

ARRUABARRENA ETXABE familia

Ezkerretik eskubira eta goitik behera:
Joxe Migel, Joakina Etxabe,
Iñaxio (Okobiokoa), Joakina (Martinen
andrea), Miren eta Jexux Sukia /
Prontxio eta Joxe.



ARRUABARRENA UBEGUN familia

Tomax eta Joan Bautista (semeak)
eta Joakina Ubegun (ama).

